

義甯州志卷第二十二

人物志

地靈人傑古艾多賢粵稽炎漢劉鄧偉然晉唐之世紀載罕傳自宋而後英豪比肩瞽宗之祀義所當先勲猷氣節宦蹟昭宣文行名實蒐羅以全山林廊廟細大不捐閨門起化彤管輝聯典型具在後來勉旃志人物

名臣

漢

劉陵字孟高豫章艾人和帝時為長沙安成長先是長沙多虎為百姓患陵到官逾月虎悉出境民復還其居入為侍中車

義甯州志

卷二十二

人物志名臣

駕出祀南郊陵驂乘上起早升輿假寐陵跪曰陛下萬乘主

宜立正配天雖尊神欲寢不當上為天地靈祇下為羣臣萬

姓觀觀乎上有愧色曰敬受侍中斯言以為後戒謝承後漢書通志

云甯州崇鄉有劉侍中祠祀陵

鄧通字子淵一作文淵豫章西平人沈毅有學行官馮翊太守不通

賓客不交書疏凝然恬默京師號曰鄧獨坐南昌耆舊記初下車

時治豪強四海號良吏為豪強所病後遷越騎校尉為營吏

士所敬畏天下嘆之藝文類聚引謝承後漢書

太平寰宇記曰西平故城在武甯縣西一百九十七里漢

書云鄧通西平人即此縣也按范蔚宗後漢書無鄧通



豫章古今記及謝承後漢書俱不云西平人舊州志及劉氏拾遺載鄧通故宅在西鄉六十七都近西平故城子姓尙有居其址者鄧氏譜漢高密侯第三子珍國公生子鑛爲南昌縣尉卜西山鄧城居之鑛子夢秋尉海昏遂家西平夢秋生民仰仰生通以經術顯明帝時拜左馮翊性介靜學者稱獨坐先生世居西平卽漢之西安縣也

南昌者舊記曰自漢以來豫章有四姓胡羅鄧熊稱衣冠盛族鄧氏自漢馮翊太守鄧通而下有晉散騎常侍鄧粲吏部尙書鄧混鄧元鎮南長史鄧潛之宋光祿勳鄧允鎮軍長史鄧琬宋書有傳皆著南昌人

鄧遐西平人襄陽沔水隈潭極深先有蛟爲害遐爲襄陽太守拔劍入水蛟繞其足遐自揮劍截蛟數段流血丹水勇冠當

義甯州志

卷二十二

人物志名臣

二

時於後遂無蛟害

北堂書鈔引荆州記稱西平鄧遐是卽西平人也藝文類聚作晉時人

南唐

胡則後主末爲江州指揮使金陵陷曹彬以後主手書喻郡縣悉以城降書至江州刺史謝彥賓集將佐視之謀納欵則憤形於色亟出謂其下曰吾屬世受李氏恩安可負之且此書真僞不可知刺史不忠欲汚是州爾輩能從我死忠義乎眾皆曰善乃率同列宋德明等大譁入攻彥賓執而殺之眾推則爲刺史號令肅然堅壁死守太祖命曹翰攻之堅不可破翰軍死傷者眾會則疾革卒城始陷

陸游南唐書

按嘉慶十四年奉仙鄉古仙壇里陷出一宋碑爲乾興元

年所瘞者徐曙妻胡夫人墓碑序胡父瑛瑛祖則自晉江夏太守後徙居豫章西安武甯鄉馴獸里是則爲西安人確矣南唐書不載里居者以當時避曹翰屠虐禍遺之也

宋

黃廉字夷仲洪州分甯人第進士歷州縣熙甯初或薦之王安石安石與之言問免役事廉据舊法以對甚悉安石曰是必能辦新法白神宗召訪時務對曰陛下意在便民法非不良也而吏非其人朝廷立法之意則一而四方推奉紛然不同所以法行而民病陛下不盡察也河朔被水河南齊晉旱淮浙飛蝗江南疫癘陛下不盡知也帝卽命廉體量賑濟東道

義甯州志

卷二十二

人物志名臣

三

除司農丞還報合旨擢利州路轉運判官復丞司農爲監察御史裏行建言成天下之務莫急於人才願令兩制近臣及轉運使各得舉士詔各薦一人繼言寒遠下僚旣得名聞於上願令中書審其能而表用則急才之詔不虛行於天下矣又言比年水旱民蒙支貸倚閣之恩今幸歲豐有司悉當舉催久饑初稔累給並償是使民遇豐年而思歛歲也請令諸道以漸督取之論俞充結王中正致宰屬並言中正任使太重帝曰人才蓋無類顧駕御之何如耳對曰雖然臣慮漸不可長也河決曹村壞田三十萬頃民廬舍三十八萬家受詔安撫京東發廩賑饑遠不能至者分遣吏移給擇高地作舍

以居民流民過所無征算轉行者賦糧質私牛而與之錢養男女棄於道者丁壯則役其力凡所活二十五萬相州獄起鄧伯溫上官均論其寃得譴去詔廉詰之竟不能正未幾獄成始悔之加集賢校理提點河東刑獄遼人求代北地廉言分水畫境失中國險固啟豺狼心其後契丹果包取兩下耕地下臨雁門父老以爲恨王中正發西兵用一而調二轉運使又附益之廉曰民腴剝至骨斟酌不乏興足矣忍自竭根本耶卽奏云師必無功盍有以善其後既大軍潰歸中正嫁罪於轉餉廉詣上黨對理坐貶秩元祐元年召爲戶部郎中陸思閔茶法爲川陝害遣廉使蜀按察至則奏罷其太甚者

義甯州志

卷二十二

人物志名臣

四

且言前所爲誠病民若悉以予之則邊計不集蜀貨不通園疇將受其敝請權熙泰茶勿改而許東路通商禁南茶毋入陝西以利蜀貨定博馬歲額爲萬八千匹朝廷可其議使以直秘閣提舉明年還爲左司郎中遷起居郎集賢殿修撰樞密都承旨上官均論其往附蔡確爲獄改陝西都轉運使拜給事中卒年五十九

宋史

余下字洪範良肱子也博學多大畧以任子恩試校書郎累爲唐州判官湖北安撫使勾當機宜文字尋知沅州先是下父良肱常爲鼎州推官五溪蠻叛良肱運糧境上周知其利害上書議棄其地就而撫之未果行及是復叛殺沿邊巡檢斷

渠陽拒官軍不得進下適使湖北帥唐義問即授下節制諸將爲設方畧陰選死士三千人夜銜枚繞出賊背伐山開道漏盡數刻入渠陽黎民整眾出賊大駭盡銳來戰奮擊大破之鼓行渡險七遇七勝斬首數千級蠻遂降有詔廢渠陽軍爲砦盡拔居人護出之紹聖初論棄渠陽罪免歸徽宗初起管勾玉隆觀未幾復渠陽爲靖州又論前事免終於家著有西山十二真君傳宋史余良肱後及劉氏拾遺蠻遂降下拾遺云後安石執政變法下爲憤憤及頌新經義乃忿然曰尙可以治經爲哉遂棄官歸與此小異

按洪範最爲徐忠愍禧所知與黃魯直交亦厚嘗以不合俗人題廳壁二絕句魯直和之

義甯州志 卷二十二 人物志名臣 五

余爽字荀龍良肱子也尙氣自信不少貶以合世亦以任子恩試校書郎爲瀛州防禦推官應元豐詔上便宜十五事力詆時政元祐末復請太皇太后還政章愠憾不附已摘其言爲訕謗除名竄封州久之起知明州未行以言者罷監東嶽廟

崇甯中與下俱入黨籍以上江西通志下爽合傳以討蠻知沅靖皆爲爽事

按詩話拾遺記豫章余荀龍藏書甚富好談易作詩與潘洪諸公相善僧善權異中嘗酬其詩

黃大臨字元明庶之子湜之孫也好學飭行優於詩文紹聖間知萍鄉縣民囂訟異於他邑大臨勞心撫字視民若子或譏其仁太過大臨曰天子使宰百里固欲安樂之豈敢操二

尺法爲百姓警敵哉昔龔遂爲渤海太守因召對曰渤海之盜陛下將勝之耶將安之耶帝曰設官置吏固安之也故余嘗謂治民之道猛則玉石俱焚寬則公私皆廢吾不猛不寬惟其是而已嘗榜其所居軒曰惟是大觀中徙知龍泉縣治如萍鄉時郡守徐姓者私有所屬臨逆其意秩滿不與書罷會張根持節行部雅聞其賢折節禮之

吉安府志

冷恣字庭叟元豐進士令錢塘遷蘇州判轉商州刺史元祐間拜光祿卿山谷恒以冷卿稱之有贈恣詩序云庭堅於庭叟有十八年之舊又詩曰往時盡醉冷卿酒又云冷卿智多髮蒼浪牛刀發礪司一邦其推重如此卒年七十八

義甯州志

卷二十二

人物志名臣

六

王本字觀復六歲能詩日誦千言登元豐八年進士授南雄州保昌簿調袁州司戶叅軍遷欽州祁門令調磁州錄事叅軍改宣德郎知秀州海鹽縣通判保定軍以吏能稱擢提舉荆湖南路改任京畿以古方田法均兩赤縣田權貴懾服特選朝議大夫錫三品服直龍圖閣提點京畿刑獄陞秘閣修撰集英殿修撰遷都水使者辭以水事非所習乃知洪州未幾改京畿轉運使上召見謂洪無事不足以煩卿京邑吏多弛其按行治之本承命徧行勾校雖他司事悉以聞上大悅擢徽猷閣待制真定府路安撫使兼知成德軍府事改知東平府兼京東西路安撫使會揚州游饑詔知揚州兼淮南東路

兵馬鈐轄歲旱出繫囚數百人天大雨遂爲有年取郡事悉
條理之公私兼裕流民皆復相率立祠頌德居二年丐祠詔
提舉南京鴻慶宮明年請老越三月大會親戚子弟於家無
疾卒年六十三

豫章志

黃叔敖字嗣深廉之季子登元祐六年進士調光山令除詳定
司勅令刪定官出判潁昌府遷廣東轉運判官兼提舉市舶
疏言嶺表地偏冬無霜雪瘴癘所鍾其所產不足以奉玉食
再三力請爲蔡疑中傷免官未幾復職徙荆湖北路轉運判
官廉訪使時李滋怙勢侵擾州縣叔敖以奸狀聞詔鞫得實
竄滋衡州中人側日時方復燕雲用事者惡其不附已欲危

義甯州志

卷二十二

人物志名臣

七

以法除秘閣修撰知營州又改涿州自言儒生不知兵恐悞
國事力辭且乞致仕後知荆南府紹興初除給事中上疏論
朋黨未革不可以爲治比來上封事者頗有告訐細故據
隱匿非求言本意除兼侍讀遷戶部侍郎進尚書力論時政
大略謂冗食莫甚於養兵裕民莫甚於節用諸所建白事多
施行以言者罷爲徽猷閣學士旋降充侍制五年除知平江
府辭不行請老以通政大夫致仕卒年七十二計間復徽猷
閣學士贈宣奉大夫所著有文集十卷春秋講義三卷奏議

十卷

豫章志

徐俯字師川以父禧死國事神宗憫焉授通直郎徽宗踐祚遷

承議郎錫服朱銀會韓忠彥曾布秉政登用舊人獨以履歷爲限除衛尉寺主簿久不就職時蔡京用事屢以甘言招致俯不屈作猛虎行譏之曾韓去位遂改僉書武勝軍節度判官聽公事命卒不下遷朝奉郎監杭州糧料院未幾提點南康軍延真觀通判相州徙吉州又徙廬州累遷朝請大夫淵聖嗣位遷奉直大夫賜金紫召爲司門員外郎陞郎中靖康之變金人立張邦昌集百官議皆以次書名俯不書而出時工部侍郎何昌言與其弟昌辰避邦昌皆改名俯買婢名昌奴遇客至卽呼前驅使之建炎初落職致仕奉祠胡直孺在經筵汪藻在翰院迭薦之初避嶺南久之方至遂以爲右諫

議大夫中書舍人上嘗命進讀春秋俯薦胡安國自代世稱其知人遷左中大夫翰林學士俄擢端明殿學士僉書樞密院事兼權叅知政事宰相朱勝非言襄陽上流所當先取叅政趙鼎曰知上流利害無如岳飛者俯獨持不可帝不聽會劉光世乞入奏鼎言方議出師大將不宜離軍俯欲許之鼎固爭俯乃求去提舉洞霄宮時秦檜專政府上表云禍福倚伏情僞多端恐未盡於事幾當復勞於聖慮與宣撫使岳飛表知廣州連南夫表一時傳誦檜見而大惡之紹興九年知信州中丞王次翁論其不理郡事予祠明年卒葬於饒州德興縣俯才俊與曾幾呂本中埒志操挺特議論慷慨是非取

舍必歸於正於書無所不讀於文無所不工而尤邃於詩年
十四五時已能出奇語驚動山谷用是聲名焯然出當世上
少嘗客淮南諫議陳瓘為郡守一見奇之遂為忘年友著有
東湖詩集六卷江西詩派圖俯其一也子璧蚤世璉瑪瑜珪
瑾通直郎宋史及舊志○修水考略載史論云
俯未與趙鼎爭辯沮抑岳飛異哉

王鈇字承可本之子也蔭授通仕郎建炎間通判邵州既為樞
密院編修官提舉江東茶鹽又提舉湖南茶鹽遷福建轉運
判官改浙東提舉茶鹽會修永佑陵兼差總護司轉運判官
直秘閣兩浙西路提點刑獄上親享太廟獻賦數千言陞徽
猷閣除兩浙路轉運副使被旨建秘書省成陞秘閣修撰俄
義甯州志

卷二十二

人物志名臣

九

權戶部侍郎未幾引疾丐外除敷文閣直學士知湖州告祠
適番禺請帥上即命鈇有吳聽者為海盜之魁鈇密授軍士
擒獲戮之於市因盡籍舟艦區別疆域毋得復持兵械聯以
保伍而稽其出入自是宿害頓除闔境聳服番禺俗葬親必
大會賓客費至不貲以是貧者多不克葬下令悉禁止之士
大夫貧不能葬及流徙不獲歸者率捐俸為資助卒邦人立
祠祀之子淪溲洧淙許濱豫章志

黃次山字秀岑庭堅族子宣和元年試國學第一以庭堅名在
禁錮復抑置第四歷信揚州學教授池州司理泰軍靖康初
遷博士坐與李綱厚謫監虢州銅場建炎二年擢尚書員外

郎未幾撫諭京東西路使還乞外補遂知筠州內艱終喪復
吏部郎官入對力陳日食之咎又進校旗大閱之法會金兵
大至淮南告捷次山言策功行賞勸沮所係因條上三策乞
解六將軍逗留者之節鉞授偏裨立功者朝廷旣罷劉光世
兵枋命呂祉代之次山言光世固可罷呂祉雖若可用然統
師御眾非其所長其言卒驗靖康以來號爲宗程灝兄弟學
者不能深明其旨轉爲迂怪紹興初諫官極論其弊有旨戒
飭學者次山時權禮部郎官與侍郎董棻爭之於朝事雖直
而謗議起矣出提點荆湖南路刑獄居數月以言罷主管毫

州明道宮凡九年卒

危太樸集安志誤載豐城人今因謝志補入

義甯州志

卷二十二

人物志名臣

十

劉庾號梅溪宋光宗時由明經領鄉薦官至左司冠性至孝母
歐陽氏病瘵多方延治弗瘳庾籲天求以身代刲股和藥以
進母疴頓起紹熙間慷慨陳言中貴抑不報憂憤以死上聞

賜諡忠愍

甲申志補

黃犖字子邁以父霽郊恩補將仕郎歷官淮南轉運副使兼提
刑加秘閣修撰犖少長名族清標勝韻自然軼羣所蒞有德
政皆立祠以奉識者以比古循吏金始修好爲接伴使應對
以理北使自屈廟堂加愛敬焉官淮南時北方俶擾浮言扇
動犖治圃修橋示以閒暇而內謹防範人情安堵隆冬視築
滁陽遂感寒疾及遷治所楮令方新民間閉市犖力疾慰安

閭巷出鐵錢收舊券發倉廩平糶價列肆旋復百姓益喜而病深遂卒時嘉定四年正月十日壽六十一淮人老幼出涕元夕舉市無鼓吹聲犖資性篤實不汲汲於榮利方羣陰用事則介然自持及公道復開亦恬然無媿名流每謂犖若不限以科第豈容我輩獨臺閣犖曰令某由科第亦必不在臺閣居朝十三年循序而陞未始超越詞翰祖述山谷時出新意成一家大字尤奇壯東宮欲見之書中庸大學以進錫賚良厚所稱舉皆當世佳士雜著二十卷介軒詩詞三十卷藏於家子堦迪功郎監鎮江府都酒務崖以遺澤補官宋四明集。通志謂堦知肇慶府蓋究其終言之撫志謂崖知南安軍。

義甯州志

卷二十二

人物志名臣

十一

按劉後邨集稱思陵尤重山谷詞翰擢其甥徐俯至執政至茂陵其後益蕃子邁子畊皆顯

余玠字義夫分甯人僑寓蘄州少爲白鹿洞諸生入趙葵幕爲制置司叅議官嘉熙三年與元兵戰於汧城河陰有功授直華文閣淮東制置司叅謀官淳祐元年拜大理少卿陞制置副使進對帝曰卿人物議論皆不常可獨當一面乃授權兵部侍郎四川宣諭使帝從容慰遣之玠亦自許當手挈全蜀還本朝其功日月可冀尋授兵部侍郎四川安撫制置使先是東西川無復統律遺民咸不聊生監司戎帥各專號令擅辟守宰蕩無紀綱蜀日益壞及聞玠入蜀人心粗定始有安

士之志玠大更弊政遴選守宰築招賢之館於府左供張一如帥所居播州冉氏兄弟璣璞有文武才隱居蠻中前後闔帥辟召堅不肯起聞玠賢相謂曰是可與語矣遂詣府上謁玠素聞冉氏兄弟刺入卽出見之與分庭抗禮賓館之奉冉安之若素有居數月無所言玠將謝之廼爲設宴玠親主之酒酣坐客方紛紛競言所長璣兄弟飲食而已玠微言以挑之卒默然玠曰是觀我待士之禮何如耳明日更闢別館以處之且日使人窺其所爲兄弟終日不言惟對踞以堊畫地爲山川城池之形起則漫去如是又數日請見玠屏人曰某兄弟辱明公禮遇思有以少裨益非敢同眾人也爲今日西

義甯州志

卷二十二

人物志名臣

十一

蜀之計其在徙合州城乎玠不覺躍起執其手曰此玠志也但未得其所耳曰蜀口形勝之地莫若釣魚山請徙諸此若任得其人積粟以守之賢於十萬師遠矣巴蜀不足守也玠大喜曰玠固疑先生非淺士卒築青居大獲釣魚雲頂天生凡十餘城皆因山爲壘碁布星分爲諸郡治所屯兵聚糧爲必守計旋率諸將直搗興元與北兵大戰於嘉定初利州都統王夔號王夜叉素殘悍不受節制聞玠至以所部來謁班聲如雷眾皆失色玠部分自若夔退曰儒者乃有此人尋設策召夔計事斬之軍中帖然會戎州帥欲舉統制姚世安爲代玠不許世安倚宰執內援遂以微罪中玠召還玠之治蜀

也任都統張寶治軍旅安撫王惟忠治財賦監簿朱文炳接
賓客皆有常度至於修學養士輕徭以寬民力薄征以通商
賈蜀既富實乃罷京湖之餉邊關無警又撤東南之戍自寶
慶以來蜀閩未有能及之者及世安與玠抗玠鬱鬱不樂齎
志以沒蜀人悲慕如失父母焉

宋史及通志

章沂孫字源潔號右山丞相杭山之子也幼穎悟八歲能誦經
史尤精詣於朱氏之書故爲文率皆典古有法舉進士初授
迪功郎昌化縣主簿轉建德路教授改大理評事通判舒州
召爲太子中允直集賢院歷三司開封府判入爲監察御史
有旨轉右正言出爲淮南轉運副使遷尙書禮部員外郎轉

義甯州志

卷二十二

人物志名臣

三

江淮提刑改度支判官知制誥兼修國史擢爲翰林學士轉
春宮伴讀出知開封府數月權三司使兼除樞密都承旨拜
諫議大夫以疾累辭改集英殿修撰知洪州轉給事中拜嘉
議大夫轉修職郎福建轉運使改知臨安府未任北兵臨渡
江舉朝相顧失色臺諫哭聲振天明日御史陳過庭等相繼
走獨沂孫傍徨不忍去謂翰林學士歐陽元曰自古無走臺
諫賈似道督師江上自度力不支將議和畏公議弗敢欲其
議自臺諫學校俱納誥勅終不肯以世食宋祿仕元坐未嘗
北向宋人之仕於元者公獨絕之世高其節隱居田里卒年

四十有八

歐陽圭齋集

元

祝彬字文夫吳仙里人以詩經登進士授撫州路崇仁縣丞泰定丙寅聘校楚闈稱其性稟敦厚明孔孟之正傳契程朱之奧旨壬申陞授應奉翰林文字徵仕郎同知制誥兼國史院編修天曆至元間兩典江西文衡號悠然居士從翁椿舉至元乙亥鄉貢

謝志

冷敬先字有革泰清人登進士授婺州武義縣尉遷長興州判有嚴肅聲廉訪使趙汝平薦陞戶部員外郎未幾轉正奉大夫宣政院客省副使奏對敏捷深識治體與尙書元明善學士虞集友一日以言忤執政遂求解任二公惜其去爲詩文

義甯州志

卷二十二

人物志名臣

十四

以贈歲約入租十萬餘石恆分恤族黨之貧乏者士論躱之明

艾旭字惟寅別字扶桑泰鄉桐樹嶺人父雍元順帝至正時舉孝廉教授湖州復倡經義治事之學與顧阿瑛楊維禎結立詩社往來倡和才名大著嘗夢九日升於泰山之上兩手撫而握弄之翼日生旭幼警悟讀四書五經畢詰師曰書盡此乎師曰有十三經十七史諸子百家授之讀一歲貫通之中洪武戊辰任亨泰榜進士二甲四名授刑部主事時太祖用法嚴事無大小輒勅送刑部拷治累獄連坐者眾旭爲別輕重緩急次第讞明全活無算彈劾不避權貴胡惟庸用事旭

劾以六過三罪比之豺狼當道洪武二十五年陞刑部員外郎轉遷浙江道監察御史癸酉奉命冊封琉球賜一品服陞辭曰太祖諭之曰使臣之名今爲九日渡海非所宜也遂以御筆改名儀鳳至琉球國王見儀鳳狀貌奇偉應對明敏嘆曰此真堯天舜日鳳凰來儀也贈詩有四方專對詩三百東海歸來路十千之句使琉球還朝陞吏科給事中與權貴不合罷歸著有艾豐文集行世子仁甫義甫有學行

按舊志載旭洪武戊辰進士初授浙江道監察御史陞刑部郎中丰姿俊偉學問該博屢平大獄皆得其情石彥誠爲之贊曰光華俊偉傑出謀猷登名甲第蔚爲柱石之珍

義甯州志

卷二十二

人物志名臣

五

折獄大廷嚴凜烏臺之簡又嘗奉使琉球得使臣體琉球國王有詩贈之卒於官傳文簡略故通志未錄今從橫雲山人明史擬稿補正又萬姓統譜旭作焞尤誤

彭勝玉字潤甫父德遠母劉氏世家分甯之萊青巷生有異質嘗從鄉先生程麓隱游讀書薰衣山舍洪武初由鄉貢入京時高皇帝勅儒臣纂修女誠勝玉與學士朱升善得與修又與修元史及大明志書己未除東京文學與傅藻籌編春秋本末上之甲子二月除戶部主事旋奉旨督漕爲禮科給事中黃居正所劾委戶部侍郎曾泰查勘皆誣以故事得已壬申轉員外郎時夏亢旱勝玉上疏請發賑濟以救民生勤修

省以回天意帝嘉納之永樂三年稍遷郎中奏免江西隨糧
軍辛卯出爲兩淮都轉鹽運使己亥從侍郎呂震應天府尹
顧佐巡視黃河七月扈蹕幸北京辛丑擢戶部左侍郎時年
八十矣連疏請退遂以資政大夫致仕家居五年乃卒長子
懷中書舍人孫鳴天順間貢士著有古今邊防及續名臣言
行錄諸書曾榮鑾坡集

鄉賢

宋

余良肱字康臣洪州分甯人第進士調荆南司理叅軍屬縣捕得殺人者自誣服良肱視驗屍與及疑之曰豈有及盈尺而傷不及寸乎白府請自捕逮未幾更獲真殺人者民有失財物逾十萬逮平民數十人方暑榜掠號呼聞於外或有附吏耳語良肱陰知其爲盜亟捕詰之贓盡得改大理寺丞出知湘陰縣縣逋米數千石歲責里胥代輸良肱論列之遂蠲其籍通判杭州江湖善溢漂官民廬舍良肱壘石隄二十里障之潮不爲害時王陶爲屬官常以氣犯府帥吏或訴陶帥挾

義甯州志

卷二十二

人物志鄉賢

七

憾欲按之良肱不可曰使陶以罪去是以直不容帥遂已後陶官於朝果以直聞知虔州士大夫死嶺外者喪車自虔出多弱子寡婦良肱悉力振護孤女無所依者出俸錢嫁之以母老得知南康軍丁母憂服除爲三司使判官方關陝用兵朝議貸在京民錢良肱力爭之會大臣亦以爲言議遂格內府出腐幣售三司三司吏將受之良肱獨曰若賦諸軍軍且怨不則貸諸民民且病請付文思以奉帷幄改知明州朝廷方治汴渠留提舉汴河司汴水澱淤流且緩執政主狹河議良肱謂善治水者不與水爭地方冬水涸宜自京左浚治以及畿石三年可使水復行地中弗聽又議伐汴隄木以資狹

河良肱言自泗至京千餘里江淮漕卒接踵者行多病渴藉
蔭以休又其根盤錯與隄爲固伐之不便屢爭不能得廼請
不與其事執政雖怒竟不爲屈改太常少卿知潤州遷光祿
卿知宣州治爲江東最請老提舉洪州玉隆觀卒年八十一
七子丕爽最知名 宋史

徐禧字德占洪州分甯人少有智度博覽周游以求知古今事
變風俗利疚不事科舉熙甯初王安石行新法禧作治策二
十四篇以獻時呂惠卿領修撰經義局遂以布衣充檢討神
宗見其所上策曰禧言朝廷用經術變士十已八九然竊襲
人之語不求心通者相半此言是也宜試於有用之地卽授

義甯州志

卷二十二

人物志鄉賢

六

鎮安軍節度推官中書戶房習學宮事歲餘召對顧問久之
曰朕多銳人未見有如卿者擢太子中允館閣校勘監察御
史裏行與中丞鄧綰知諫院范百祿雜治趙世居獄李士甯
者挾術出入貴人間嘗見世居母康以仁宗御製詩贈之又
許世居以寶刀且曰非功不可以當此世居與其黨皆神之
曰士甯二三百歲人也解釋其詩以爲至寶之祥及鞠世居
得之逮捕士甯而宰相王安石故與士甯善百祿劾士甯以
妖妄惑世居致不軌禧奏士甯遺康詩實仁宗製今獄官以
爲反臣不敢同百祿言士甯有可死之狀禧故出之以媚大
臣朝廷以御史雜知樞密承旨參治而百祿坐報上不實貶

進禧集賢校理檢正禮房安石與惠卿交惡鄧綰言惠卿昔居父喪嘗貸華亭富人錢五百萬買田事詔禧參鞠禧陰右惠卿綰劾之會綰貶官獄亦解禧出爲荆湖北路轉運副使元豐初召知諫院惠卿在廊廷欲更番漢兵戰守條約諸老將不謂然帝頗采聽將推其法於他路遣禧往經畫禧是惠卿議渭師蔡延慶亦以爲不然帝召延慶還加禧直龍圖閣使往代以母憂不行服除召知制誥兼御史中丞官制行罷知制誥專爲中丞鄧綰守長安禧疏其過帝知其以惠卿故雖改綰青州亦左遷禧給事中种諤西討得銀夏宥三州而不能守延師沈括欲盡城橫山瞰平夏城永樂詔禧與內侍

義甯州志

卷二十二

人物志鄉賢

九

李舜舉往相其事令括總兵以從李稷主餽餉禧言銀州雖據明堂川無定河之會而故城東南已爲河水所吞其西北又阻天塹實不如永樂之形勢險阨竊惟銀夏宥三州陷沒百年一日興復於邊將事功實爲俊偉軍鋒士氣固已百倍但建州之始煩費不貲若選擇要會建置堡柵名雖非州實有其地舊來疆塞乃在腹心已與沈括議築砦各六砦之大者周九百步小者五百步堡之大者二百步小者百步用功二十二萬遂城永樂十四日而成禧括舜舉還米脂明日夏兵數千騎趨新城禧亟往視之或說禧曰初被詔相城禦寇非職也禧不聽與舜舉稷俱行括獨守米脂先是种諤還自

京師極言城永樂非計禧怒變色謂諤曰君獨不畏死乎敢
誤成事諤曰城之必敗敗則死拒節制亦死死於此猶愈於
喪國師而淪異域也禧度不可屈奏諤跋扈異議詔諤守延
州夏兵二十萬屯涇原北聞城永樂卽來爭邊人馳告者十
數禧等皆不之信曰彼若卽來是吾立功取富貴之秋也禧
亟赴之大將高永亨曰城小人寡又無水不可守禧以爲沮
眾欲斬之旣而械送延獄比至夏兵傾國而至永亨兄永能
請及其未陳擊之禧曰爾何知王師不鼓列禧執刀白率士
卒拒戰夏人益眾分陣迭攻抵城下曲珍兵陳於水際官軍
不利將士皆有懼色珍白禧曰今眾心已搖不可戰戰必敗

義甯州志

卷二十二

人物志鄉賢

三

請收兵入城禧曰君爲大將奈何遇敵不戰先自退邪俄夏
騎卒渡水犯陳酈延選鋒軍最爲驍銳皆一當百銀槍錦襖
光彩耀日先接戰而敗奔入城蹂後陳夏人乘之師大潰死
及棄甲南奔者幾半珍與殘兵入城崖峻徑窄騎卒緣崖而
上喪馬八千匹遂受圍水砦爲夏人所據掘井不及泉士卒
渴死者大半夏人蟻附登城尙扶創相鬪珍度不可敵又白
禧請突圍而南永能亦勸李稷盡捐金帛募死士力戰以出
皆不聽戊辰夜大雨城陷四將走免禧舜舉稷死之永能沒
於陳初括奏夏兵來逼城見官兵整故還帝曰括料敵疎矣
彼來未出戰豈肯遽退耶必有大兵在後已而果然帝聞禧

等死淚泣悲憤爲之不食贈禧金紫光祿大夫吏部尙書諡曰忠愍官其家二十人禧疎曠有膽畧好談兵每云西北可唾手取恨將帥怯爾呂惠卿力引之故不次用自靈武之敗秦晉困棘天下企望息兵而沈括種諤陳進取之策禧素以邊事自任猝與強虜遇至於覆沒自是之後帝始知邊臣不可信倚深自悔咎遂不復用兵無意於西伐矣子俯自有傳

宋史

黃庭堅字魯直洪州分甯人幼警悟讀書數過輒成誦舅李常過其家取架上書問之無不通常驚以爲一日千里舉進士調葉縣尉熙甯初舉西京學官第文爲優教授北京國子監

義甯州志

卷二十二

人物志鄉賢

三

留守文彥博才之留再任蘇軾嘗見其詩文以爲超軼絕塵獨立萬物之表世久無此作由是聲名始震知太和縣以平易治時課頌鹽篋諸縣爭占多數泰和獨否吏不悅而民安之哲宗立召爲校書郎神宗實錄檢討官踰年遷著作佐郎加集賢校理實錄成擢起居舍人丁母憂庭堅性篤孝母病彌年晝夜視顏色衣不解帶及亡廬墓下哀毀得疾幾殆除服爲秘書丞提點明道宮兼國史編修官紹聖初出知宣州改鄂州章惇蔡卞與其黨論實錄多誣俾前史官分居幾邑以待問謫千餘條示之謂爲無驗証旣而院吏考閱悉有據依所餘才三十二事庭堅書用鐵龍爪治河有同兒戲至是

首問焉對曰庭堅時官北都嘗親見之真兒戲耳凡有問皆直辭以對聞者壯之貶涪州別駕黔州安置言者猶以處善地爲勸法以親嫌遂移戎州庭堅泊然不以謫遷介意蜀士慕從之游講學不倦凡經旨授下筆皆可觀徽宗卽位起監鄂州稅僉書甯國軍判官知舒州以吏部員外郎召皆辭不行丐郡得知太平州至之九日罷主管玉龍觀庭堅在河北與趙挺之有微隙挺之執政轉運判官陳舉承風旨上其所作荆南承天院記指爲幸災復除名羈管宜州三年徙永州未聞命而卒年六十一庭堅學問文章天成性得陳師道謂其詩得法杜甫學甫而不爲者善行草書楷法亦自成一家

義甯州志

卷二十二

人物志鄉賢

三

與張耒晁補之秦觀俱游蘇軾門天下稱爲四學士而庭堅於文章尤長於詩蜀江西君子以庭堅配軾故稱蘇黃軾爲侍從時舉堅自代其詞有瓌偉之文妙絕當世孝友之行追配古人之語其重之也如此初游濠院山谷寺石牛洞樂其林泉之勝因自號山谷道人云高宗時贈龍圖閣直學士德

祐中追諡文節

宋史

冷應澂字公定隆興分甯人寶慶元年進士調廬陵主簿卽以廉能著有愬事臺府者必曰願下廬陵清主簿尤爲楊長孺所識拔調靜江府司錄參軍治獄平恕轉運使范應鈴列薦於朝知萬載縣大修學舍招俊秀治其業旌其通經飭行者

以勸歲歉棄茲滿道乃下令恣民收養所棄父母不得復問全活甚眾葉夢鼎列其行事風厲餘邑通判道州入監行在權貨務遷登聞鼓檢院景定元年奉使督餉江上還知德慶府前守政不立縱豪吏漁獵峒獠遂大爲變徧城六十里而營應澂未入境馳檄諭之曰汝等不獲已至此新太守且上轉禍爲福一機也脅從影附亦宜早計去就不然不免矣獠感悟欲自歸惑謀主不果眾稍引去應澂知其勢解卽厲士馬出不意一鼓擒之縱遣歸農猶十餘人乃請諸監司歸郡之避難留幕府者誅豪吏之激禍者初經畧雷宜中意應澂必以濟師來請及是歎服亟上其事薦應澂可大用屬縣租

義甯州志

卷二十二

人物志鄉賢

三

賦諉道阻从不至郡應澂爲之期曰首輸者與減分未至則償所減民惟恐後不一月訖事凡諸綱官廩稍軍券前政積不得者悉補還之上下欣附應澂亦極力摩撫與爲簡便期年報政奏罷抑配鹽法及乞用楮券折銀綱等五事以紓民力詔就升本道提舉常平兼轉運使俾行其說首劾守令貪橫不法十餘人列郡肅然最聞加直秘閣時經畧使陳宗禮入爲參知政事帝問誰可代卿者宗禮以應澂對旋召爲都官郎官未行就升直寶章閣知廣州主管廣南東路經畧安撫司公事馬步軍都總管領漕庾如故五司叢劇應澂卽分時理務不擾不劾常曰治官事當如家事惜官物當如已物

方今國計內虛邊聲外震吾等受上厚恩安得清談自高以
誤世陶士行不望之吾師也自聞襄樊受圍日繕器械裕財
粟以備倉卒後卒賴其用屢平大寇未嘗輕殺笞杖以降亦
加審慎至其臨事輒斷雖勢要不爲撓奪後卒於家子方叔
和叔正叔

宋史

章鑑字公秉杭口人以別院省試及第累官中書舍人左侍郎
官崇政殿說書進簽書樞密院事兼權參知政事遷同知樞
密院事咸淳十年王爚拜左丞相鑑拜右丞相並兼樞密使
再辭解機政不允明年元兵逼臨安鑑託故而去遣使亟召
還朝既至罷相予祠殿帥韓震之死鑑與曾淵子明震無他

義甯州志

卷二十二

人物志鄉賢

三

至是御史王應麟繳其錄黃謂震有逆謀鑑與淵子曲庇之
坐是削一官放歸田里後有告鑑家匿寶璽者霜晨鑑方擁
敗衾卧兵士至大索其室惟敝篋貯一玉杯餘無一物人頗
嘆其清約鑑在朝日號寬厚與人多許可士大夫目爲滿朝
歡云嘗上疏奏萃材等事吳草廬稱其清謹雖爲宰輔猶如
布衣時季年屏居山中與樵夫爭席見者不知爲宰輔號杭
山著有杭山集兵火不存而碑銘記序間傳於世

宋史及舊志

明

石彥誠字誠之大坪人先世居豫章西山遷分甯曾祖亨雲宋
江州都統彥誠生而秀爽有氣岸長好學慎操履擇交遊登

洪武庚辰進士授武義縣丞下車召父老立廳事再拜諭以相勉爲善或譏其迂彥誠曰吾誠心必能感人府檄所部供億武義數獨多彥誠詣守白之或謂此不足瀆上官彥誠曰吾民省一錢卽受一錢之惠况武義不加多獨可重歛乎守感其誠減三分之一其爲政以忠厚仁愛爲本吏民悅服會召修永樂大典父老送之皆垂涕校讎秘閣五年書成翰林有薦彥誠爲國子司業者有司拘資格陞廣東徐聞令治一如武義時雖急遽中未嘗妄撻一人而公事亦未嘗不集上官按部有以私意干者彥誠不應由是小人交扇以挫抑之而終不以此易志家食時匾其居曰孝友題其室曰養拙年

義甯州志

卷二十二

人物志鄉賢

三

五十未有子嘗曰吾不爲不善未必無後旣歿之五月側室生子度人以爲天道有知云大學士楊溥嘗薦其孝友廉平學術醇正官居近侍未及徵用而卒蓋才不盡用於世而道足收於君子其彥誠乎

按明金華府志彥誠永樂三年任武義縣丞篤學守道廉正愛民明年徵翰林院修書父老贈詩曰身持雅操同水蘂人播清名滿道途書成陞徐聞縣知縣

周季麟字公瑞甯州人也成化八年進士授兵部主事清禁軍及圻內山東西邊事得健卒八萬厯員外郎郎中宏治初陞浙江叅政武康山羣盜起躬往招之遷河南右布政使嘗曰

爲官須稱職無論大小也既至籌國計搜剔隱蠹毫釐不取除歲解外嘗貯四十七萬餘兩撫按交疏薦凡七八上乃以甘州警進右副都御史巡撫甘肅至卽勒兵戰斬賊首六十四級捷聞先是哈密忠順王中絕其所立王每爲土魯番王速擅阿力所擄部落數千人來奔甘肅宏治五年有安定國王者冒哈密族請立其姪陝巴守哈密時阿力已死其子速擅阿黑麻嗣王仍襲哈密擄陝巴去於是邊陲不靖者有年矣季麟宣德意並脇以威阿黑麻慚伏遂於十二年夏送還陝巴並所擄原給敕印詣甘州季麟受之乃請立陝巴給以原敕而還前所留番使寫亦滿速兒等諸部帖服卽陝巴之

義甯州志

卷二十二

人物志鄉賢

三

族九曲先安定諸國亦慕義來享當是時帝悅甚賜季麟金綺獎勵加等第季麟以病冒至是以苦寒創甚然不之顧也北庭小王子擁眾數萬人河套往來波羅賀蘭間季麟厲芻秣捍禦不爲患因劾總兵官恭順侯吳鑑怯衄罷鑑而以武安侯鄭英代之時西安設防冬民兵五千以舊警偶召民城守而歲久爲例季麟裁之每歲用千人春秋番而罷四千人歸農獨勢人有役民兵者稱不便未幾閣臣薦季麟召還調蘇州薊州草場御馬監京營牧地與民田接畛侵蝕往往爭訐季麟考圖籍據景泰間奏案改正疆界眾愜服然權貴侵蝕者不便十八年武宗嗣位以病寒乞去旣而瑾憾之構以

他事奪其職罰米千石瑾誅例復官未用乃以正德十三年卒贈右都御史諡僖敏孝宗嘗問劉健謝遷曰周季麟何如人對曰季麟好官 論曰季麟論處官無分大小務稱其職故歷官所至皆能有功而卒以守正爲僉人所抑官不竟其用惜哉明三百年多文臣用兵而季麟以畏寒之軀黽勉邊陲間觀其處哈密一事張大國體濟以德威使諸番構禍於此暫息其以方之魏尙之守雲中李勣之督并州又甯有憾焉

毛奇齡西河合集

州方志曰周季麟字公瑞別號南山初生時大父可菴夢有麟以綵繪束角入舍因名六歲授書輒成誦稍長治春秋學

義甯州志

卷二十二

人物志鄉賢

三

曰進學使者嘗拔其文命入白鹿洞書院成化第進士授兵部主事進員外郎中詔清禁兵及北直隸山東西邊兵以精覈著聞大司馬余子俊馬文升咸器重焉江西方士李汝省以左道進有寵嘗引拔鄉人季麟屢招不往士論躉之宏治庚戌遷浙江布政司左叅政所至勸禮賑荒洗冤平寇侍郎吳原徐貫後先以賤濟治水至咸採季麟言事用以全活甚眾擢河南左布政使節浮蠹酌征徭皆前政所未有周世子得罪於父王列上罪狀幾成大獄季麟爲寬譬調護世子感泣引咎遂父子歡好如初擢都察院右副都御史巡撫甘肅條上備邊封事及停罷歲織絨褐以濟兵荒多見采納哈密

自天順以來屢爲土魯番襲據朝議撫勦莫能決已而眾擁
立其族屬陝巴理國事土魯番復奪之議者請閉關絕貢放
番使於瘴鄉其勢愈熾季麟豫設方畧宣上威德番酋感懼
歸陝巴及印因奏返其瘴鄉之使仍冊陝巴爲忠順王遣官
送歸國諸夷大悅獻方物謝事聞賜白金綵幣調巡撫陝西
虜入環慶固原靖虜發蹤指示前後斬首六十四級奪回生
口千四百有奇生畜則以二萬計會薊州兵民與京師營卒
共爭牧地互持不相下勘議者恐長凌奪莫敢誰何致民多
失業轉徙孝廟欲得撫臣才有力者彈壓之廷臣首疏季麟
才克膺斯任翼日傳旨調巡撫薊州季麟聞之大驚曰得無

義甯州志

卷二十二

人物志鄉賢

三

類傳奉乎將爲吾名節累矣疆起之鎮卒舉牧地歸薊人中
貴人啣之未有以中也旣而言官果有以傳奉謬加指摘者
上不聽季麟亦以疾屢疏乞休特許馳傳還且命有司待痊
具奏起用年七十四卒於家贈右都御史諡僖敏長子周謙
幼穎異書過目不再中正德丁卯省試登乙榜未仕卒三子
周訥由歲貢入太學任銅陵桂陽二邑有聲四子周訓中應
天府鄉試授湖廣蘄州知州歷陞廣西平樂府同知南京宗
人府經歷慷慨尚氣節宸濠反戕孫都御史首倡大義率眾
爲位哭治斬以法繩王府軍校之暴橫者卽恐以危言不爲
動而王亦無他屬纊時正襟危坐而逝從子周試亦由歲貢

授四川安岳丞運餉採木以拮据奉法移疾歸兩應鄉飲大
賓卒年七十有七

周季鳳字公儀別號來軒季麟弟也五六歲訥若不能言至弱
冠聰明奇發從兄至京邸訓勵績學爲黎文僖所稱許遣歸
補邑庠生屢冠多士己酉中省試宏治癸丑第進士試政御
史院御史大夫屠公鏞李公玠薦季鳳任風憲輒辭不赴甲
寅授刑部貴州司主事數平寃獄尙書命閱奏牘尋陞員外
郎慮囚湖廣辯知州敖毓元之死獄讞上矜疑者三百有奇
陞山西司郎中乙丑充會試同考官得士爲多陞四川按察
司副使整飭建昌兵備至則抑鎮守太監張辰之橫解士官

義甯州志

卷二十二

人物志鄉賢

五

木秦刺馬琦之讎毀淫祀建諸葛廟及功臣名宦祠勸學平
賦井井治辦後以例省秩歸劉瑾矯詔科道官覈邊儲事稍
涉季鳳則令赴彼中輸貽建昌士民送迎戀戀累日不舍起
雲南提學副使布功令一切崇雅黜浮士多譽髦夷俗聞風
亦爲丕變陞山西行太僕寺卿多所建白馬政一新未幾陞
湖廣按察使內艱歸補福建按察使以法裁鎮守太監之權
卒爲暴者商民獲甦遷湖廣左右布政使平嘉魚巨寇賀章
等捷聞賜白金文綺諸郡大水饑季鳳白撫按不待廷遣大
臣至先便宜發帑藏以貸貧民人謂有汲長孺風辛巳世宗
自興邸入嗣大統季鳳扈從至新野疏法宗祖勤聖學親君

子遠小人汰冗員薄稅歛六事成切時政會奉迎章聖太后
季鳳時已擢巡撫保定等處未行兵部以瀛潞皆經歷之地
而順天撫臣未至遂疏趣季鳳兼理之乃條奏供億夫役之
艱太后嘉納焉減三之一世宗亦嘉其勞有白金文綺之賜
季鳳益感激自勵勦平巨寇王堂等滹沱河決率屬致虔沉
五帛以祭尋復故道擢南京都察院右副都御史協掌院事
尋陞南京刑部右侍郎言者誣撫湖南事因解任歸事白擢
右都御史總理糧儲巡撫應天未及行以疾卒年六十有五
贈尙書諡康惠所爲詩文有來軒漫稿修水備考修江先賢
錄周氏世德錄藏於家子詢少穎異旣廩諸生以父任爲右

義甯州志

卷二十二

人物志鄉賢

三

軍都督府都事陞淮府長史輔導正經遭疾卒王遣典簿護
喪歸窆康惠墓右

查仲道字文夫號北邨孟嘗季子內剛而外和言笑不苟早歲
遊邑庠與兄仲儒才名競爽提學教公以國器目之未幾遊
太史程公楷門學日遂名益振正德戊辰由歲貢入太學癸
酉舉應天鄉試甲戌成進士授兵部武庫司主事才識精練
言論侃侃凡執事奏對雖匆遽間悉中程度大司馬王公瓊
稱老吏不能過之武宗南巡時在朝無敢言者仲道獨抗疏
諫曰臣伏觀陛下違棄京師根本重地舉南巡之典聲言討
賊臣竊有杞憂焉陛下去江西之賊易去肘腋之賊難也意

指劉瑾江彬諸佞幸武宗覽奏大怒詔廷杖八十杖幾斃忽
有神人傳藥骨斷復聯从之恩仲道言有驗陞職方司員外
郎肅皇登極擢車駕司郎中益以直道自任不阿權貴會奉
迎章聖太后條陳夫役事極慎密旋出守杭州時織造太監
吳勳肆暴於民民不堪命仲道與右史馬鄉每事抗之勢仍
橫仲道憤然曰吾職在牧民安能忍民困阨至是耶卽與鄉
白藩臬兩司協力沮抑之竟爲勳所媒孽械逮至京謫福建
鹽運司同知清節直聲抑而彌著己丑擢汀州知府汀大水
仲道出安災黎計口給食屏輿勿進跣行泥淖中三日遂得
疾卒於官年六十有四汀民號泣如喪其親競買附郡山構

義甯州志

卷二十二

人物志鄉賢

三

祠塋像以祀環山植木號曰查公山杭郡亦祠名宦萬曆初
下詔覈郡邑鄉賢言官稱仲道正直之氣百折不回可以廉
頑立懦於是命禮部議諡曰康敏御書兩朝忠節旌之詔郡
邑立坊崇祀賢良仲道生平嚮慕黃文節公校刊全集序以
行世識者溯分甯人物六七百年來能追配文節者推仲道

一人

明相國張洪陽
康敏公行狀

陳郇字邦達高市黃土嶺人髫年入泮樂善好施鄉族子弟無
教者爲立塾間里有貧病者給藥餌死無葬所者授以地成
化四年邑大祲有司勸分郇出粟七百石以賑例授八品冠
帶明年提學僉憲李公齡廉其名勸修文廟儒學不假眾力

甫五越月告成憲副夏公寅記其事於石崇祀鄉賢

余學賢字復初高市人言簡行慎領萬厯癸酉鄉薦計上公車一十有五授知縣不就曳履踵決履燃及衣而卷不釋手一日火起肅衣再拜曰賢以德涼行薄天焚吾居示警足矣萬勿及吾鄰隨風返火熄見者異之計偕京師買妾廣嗣妾以遠行向父母哭之哀賢卽反妾歸家置聘金不問常修學宮敬一亭鄉賢祠及明倫號舍萬厯十六七年歲稔同州牧廣設粥米賑濟又建立雪亭集鄉塾子弟講明經義享年七十有九崇祀鄉賢

周期雍字汝和江西甯州人正德三年進士授南京御史劉瑾

義甯州志

卷二十二

人物志鄉賢

三

旣誅爲瑾斥者悉起而給事中李光翰任惠徐蕃牧相暹趙士賢御史貢安甫史良佐曹閔王宏葛浩姚學禮張鳴鳳王良臣徐鈺趙佑楊璋朱廷聲劉玉部郎李夢陽王綸孫槃等以兼劾羣閹未得錄期雍偕同官王佩力請皆召用兵部尙書王徹附瑾進期雍請斥之焦芳劉宇猶在列而劉大夏韓文楊守隨林瀚張敷華未雪期雍皆極論陳金討江西賊縱苗殺掠期雍發其狀尋清軍廣東劾鎮守武定侯郭勛金與勛皆被責出爲福建僉事宸濠反簡銳卒赴討會賊平乃還嘉靖初爲浙江參議討平溫處礦盜予一子官再遷湖廣按察使九年擢右僉都御史巡撫順天薊州密雲關堡數十

避寇警移入內地關外益無備期雍悉修復之數列上便宜
入爲大理卿歷刑部左右侍郎右都御史拜刑部尙書大京
官言官劾期雍納賄吏部白其誣詔爲劾言者十九年郭勛
修前卻因風霾勸帝罷免大臣期雍遂去位家居十年卒
明
史

州方志曰期雍字汝和別號泉坡季麟族姪孫以春秋魁省
試登正德戊辰進士授南京雲南道監察御史會逆瑾敗疏
起被廢李夢陽朱廷聲等二十七人指大學士焦芳劉宇附
瑾濟惡雪劉大夏韓文林瀚許進張敷華寃狀乞加敦禮以
消天災癸酉復奉敕清戎兩廣劾武定侯郭勛罪狀停職薦

義甯州志

卷二十二

人物志鄉賢

三

錄驛丞甲戌丁母劉氏憂哀毀幾殆丁丑起復抵京師謁執
政時因武宗東巡首言宗子遠遊家相難辭其責以觸忤補
南京河南道未抵臺卽陞福建僉事飭兵汀漳時漳寇猖獗
固將置之危地也卽日戒行道出南贛謁都御史王守仁會
議軍務語及宸濠變生旦夕雪涕而別至汀漳閱武練兵奏
立巡司增邏卒爲長治計宸濠果叛報至卽日董師兼程而
進至則濠就擒矣解甲相見衣刺官職籍貫姓名陽明公奇
之留署南昌篆三月辛巳調河南僉事原法網過密之情決
襄藩數年之獄陞浙江叅議計擒溫處礦賊周六等數百餘
人渠魁授首擢本省叅政陞湖廣按察使廷無留獄王公守

仁督師兩廣舉期雍自代庚寅擢都察院右僉都御史整飭
薊州邊備兼巡撫順天築馬蘭谿四路長城四萬七千餘丈
及桑全谷等關移界嶺口營三十六處乞革進貢方物停差
中官鎮守時都尉勢熾恃國威奪民煤窰株累科道府縣官
李鳳王泉等二十餘人期雍按法還民勘官論復由是士氣
振小民安戚豪斂跡晉大理寺卿條陳慎刑官重人命戒淹
禁公聽斷四事侍經筵進無逸幽風講義陞刑部左侍郎尋
直車駕南巡陞右都御史掌院事掌大理寺印巡視九門錫
予甚厚陞刑部尙書有貴幸扈從者曲法致湖廣布政使徐
乾按察使吳允祿重典期雍秉公止擬免官出何昇許瑾陳

義甯州志

卷二十二

人物志鄉賢

三

保何弼等死罪僚屬勸以避嫌及權貴私囑皆不聽諷言官
誣劾賊私期雍奏辯得旨溫留因屢疏乞休不允庚子三月
風霾八月自陳予馳傳歸仍上養天和護儲嗣任忠良詢羣
議四事其忠愛懇欵如此歸修州志家乘日從媼族父老道
故爲歡撫按臺省交章薦舉懇辭不起年七十二而卒議者
謂期雍宦蹟在四方行誼在鄉評迺易名賻卹之典至今闕
如也君子惜之子希程七歲日誦千餘言由選貢入太學授
福建仙遊令歲饑躬自賑恤白當道里建一倉貯粟五百石
以貸民又買公田六十畝以積粟事制曲防竟用勞瘁解組
歸田有遺愛焉希張爲諸生旣廩矣以父任爲左軍都督府

都事歷官廣西知府與平東川叛寇宣諭廣西狄人斷土人
普阿緣父報叔之獄情法允協當道違之報最還自京遂杜
門不出卒年六十有八

周希令字子儀號澣西期亮之長子貴之元孫生有異夢實心
奇之弱冠補弟子員以春秋應己亥選貢中萬歷庚子順天
鄉試以文奇在摘例不與會闈至癸丑成進士選翰林院庶
吉士乙卯授兵科給事揣畧邊形如聚沙在目以經撫兩臣
不勝倚扼函願和衷濟艱疏奏未下而事坐敗識者服其明
遠尋冊封益藩命公行馬櫛被蕭然謝絕饋遺庚申轉禮科
左右給事神宗晏駕光宗御極銳意圖治上中興十二要疏

義甯州志

卷二十二

人物志鄉賢

三

如賈山至言令職諫垣爲禁掖臣其論李可灼進紅丸事甚
詳且悉至熹宗立而逆璫起令與楊公璉之疏忠可貫日壬
戌春會天下士有分房之任公素以麟經名一時業麟經者
皆願出其門闈中所拔果得及第第一人文公震孟馬是年
八月天子嘉勞晉太常少卿甫九日而卒於仕自筮仕以逮
捐館受白金文綺金花之賞者五荷譽命者再俎豆州庠升
祀省宮

陳存之號東州說模次子郇之嗣孫也孝友性成篤學勵行以
太學授沛縣主簿會黃河爲患捐俸修堤寒暑不輟出粟救
荒全活無算廉介不苟取歸收田租給用部院交薦賜加服

俸以疾致仕士民挽留擁馬首者如堵歸惟課訓子弟及鄉塾俊秀者覃心經史撰有過庭訓家傳諸書建文廟廣義塚賑乏絕睦族黨七舉大賓而卒崇正庚午子以森以相以慄克繼先志復修黌宮知州胡公如川額其門曰奔世濟美崇正七年崇祀鄉賢祠知州張大紳匾其堂曰祖孫鄉賢用昭世德云

查兆允字六征別字濂洲高市人祖仲儒通判眉州父應元通判黃州代以顯宦忠義著聞兆允少純家學束修自愛步履雍容不失尺寸以選貢授浙江湖州通判平反訟獄大洽輿情旋擢四川烏撒軍民府同知烏撒苗俗雜處素稱難治兆

義甯州志

卷二十二

人物志鄉賢

三

允內持廉敏政尙恂幅民賴以安萬曆二十六年部使者考績首上聞奉璽書褒諭擬之南陽召信臣潁川韓延壽勅授奉訓大夫甫膺簡拔卽乞病致仕歸著書談道闡明濂洛之學務求實踐訓子弟以修身爲本林下三十餘年絕跡公庭匾其館曰心遠地自偏刺史胡如川方沉重其行詣兩舉鄉賓禮畢不交一言其風峻如此初兆允判湖州嘗捐俸二百餘金買州後雞籠山禁燒掘以護地脉復發筦庫奸吏侵魚羨金八百有奇代窮黎供逋賦兼以賑饑卒年八十有九州縉紳慕允德行可表咸請崇祀賢良崇正十一年正月奉旨查兆允准其入祀鄉賢次子堯覺先逝子幼而長子堯安三

中副舉撫其猶子親愛不衰

周必強號抑而先春之子半週失怙幼穎異日記數千言長餼於庠耿介自持剛方不屈事祖母及生母左右盡歡以春秋應乙亥拔貢廷試遇例題旌母熊氏表其貞節人稱克孝能繼先志授山陽縣縣丞理煩治劇政績卓著陞清河知縣育士愛民摘伏如神秩滿擢工部主事歸家訓課子弟凡邑大事隨時裁決匡濟時艱識者嘆爲不世出之才歿祀鄉賢祠

庚申志
舊傳

國朝

萬承風字卜東一字和圃安鄉長茅人沈潛力學乾隆丁酉

義甯州志

卷二十二

人物志鄉賢

三

舉於鄉辛丑成進士改庶吉士授檢討入直 尙書房侍

宣宗成皇帝講席從容論思者先後蓋二十餘年乙卯充雲南副

考官時

仁宗睿皇帝在藩邸賜詩寵其行嘉慶戊午充江南副考官明年

督學廣東極力除奸弊正士習屢奉

密諭詢大臣居官行事輒據實密陳試瓊州畢值洋匪滋事廉遊擊某劣恐益廢弛劾去之初由侍讀左遷檢討至是復擢右贊善時承風名未與開列

特旨簡昇蓋

上需用之意方殷也奉

御批奏摺云實心勉力報多年知遇之恩益勵廉隅爲一代良
臣之首六遷至少詹事甲子充山東正考官擢詹事即督
學山東未卒任 召入直書房累遷禮部右侍郎丁卯充
浙江正考官隨督學江蘇值按試路出袁江訪察荷花塘
一帶河工屢築屢圯由取勢太直隄岸當衝所致奏請復
舊卒如議行調兵部右侍郎轉左己巳以陳請祝
嘏被議改授內閣學士調安徽學政時定遠士子與鳳陽縣胥
役有夙嫌每試期輒修怨當事或袒胥役士益忿承風按
試據情入告

上飭撫臣訊辦緝胥役如法自是帖然己巳冬仍擢兵部右侍

義甯州志

卷二十二

人物志鄉賢

三

郎轉左侍郎入充經筵講官署工部右侍郎兼管錢法堂
事承風受

上知最深屢司文衡所至皆得士心居官端慤謹慎歷數十年
如一日嘉慶十七年秋以風痺引疾告逾年

上猶遣官垂問亟思簡用而竟不起卒年六十有一所著有賡
颺集思不辱齋文集詩集若干卷又嘗集黃文節公手書
若干卷勒於石校刊山谷刀筆黃律卮言等籍入祀鄉賢
祠二十五年八月

宣宗成皇帝嗣位

晉贈禮部尙書銜追諡文恪

勅賜祭文碑文道光元年正月遣瑞州府知府韓桐協同義甯
州知州曾暉春詣墓致祭子方雍官刑部員外郎監察御
史方貞甘肅西甯府經歷方熙

欽賜舉人方楸

欽賜舉人孫長齡同知銜廣東候補知縣

義甯州志

卷二十二

人物志鄉賢

三

宦業

宋

莫景字子蒙漫江人慶厯二年進士性疎率淡於進取與同里黃亞夫友善嘗會飲輦下亞夫詩云平生金石心顛倒獨莫棄何時不搔首共話醫國計蓋謂景也初為甯鄉尉自號吏隱調官京師不得意於銓吏欲致其官而歸亞夫止之比授常甯令亞夫致書楊兵部云邑人莫景去為常甯令亦某之友某雖不得出執事幕下而景為屬邑吏與某身在無異也某既賀景得屬執事為令又竊喜執事得景付以民無疑也

伐檀集
並注

義甯州志

卷二十二

人物志宦業

四

孟安序為丞相蘇頌所薦官至朝奉郎頌嘗曰吾平生薦士不知其幾惟分甯孟某歲以雙井茶一斤為餉知吾無苞苴之愧

名臣言行錄

戴榮宗諱大用居高鄉三十七都板石橋官至刑部尚書勅葬小流弟顯宗祥符八年任陝西按察使均有政聲

甲申志補

莫將字少虛以父援任子厯任縣令有聲紹興七年除太府寺丞明年總賦江上入為起居郎充送伴使尋又充計議使擢徽猷閣待制京畿都轉運使遷工部侍郎借禮部尚書兼侍讀奉使金還朝除工部尚書克京西宣諭使俄以敷文閣學士知明州踰二載提舉江州太平觀除知福州又改廣州卒

於官將在朝以學問自結主知太上履行嘉獎其握節出疆
尤熟敵人情偽太后鑾輅南返贈端明殿學士葬新建縣五
諫鄉之新城里豫章志

徐瑀字叔肅以父俯廕補江東幹辦官陞積溪令歲饑上疏停

徵轉判儀真捐俸築壩請於朝給工費銀五千餘兩既竣上

其銀於朝蒙勤廉良吏之褒饒州府志

黃然字超然山谷之孫相之子也紹興初朝廷以山谷名在黨

籍命復其遺澤太上又嘗取山谷所書戒石銘以賜天下州

縣併錄其後於時相以正字召自蜀至荊州石首會戎寇搶

攘道路阻絕歸分甯捐館然以長孫補官白吏部員外郎出

義甯州志 卷二十二 人物志 宦業 聖

為兩浙轉運判官繼提點江東刑獄權知台州適當歉歲賑

濟有方司農卿陳良弼被旨按行浙東諸郡曰台州之政實

冠一路除知歸州朝廷欲再以郎曹處之辭不就未至歸州

改除夔路轉運判官攝夔門帥改除成都憲最後除潼川憲

以祠歸得疾享年七十五終朝請大夫豫章志

黃霽字彪甫叔敖子歷知袁吉二州慎於用刑每決罰稍過則

蹙額曰吾德不足以化人故至是守兩州斷辟囚纔二人自

號靜樂居士子犛豫章人物志○宋袁潔齋謂霽守袁吉永

弭盜等事

黃榮字子仁霽姪以祖澤補官知湘陰縣前宰相余端禮為帥

謂曰君凝重如此邑雖敝不足治也歷知筠州居家處官皆有法度二子埤塘嘉定元年同登進士埤直秘閣知建甯府塘巴陵主簿全上○按霏榮通志俱列撫州人物選舉志則謂埤榮爲進賢府志選舉則云分甯人蓋叔敖坏土猶存山谷墓側後裔雖散寄臨川進賢雙井固其梓里也

元

冷復先號修源宋學士覺齋之孫舉茂材任會昌路教授累遷肅政廉訪司照磨所至輒有循聲仲弟翼先號東臯由鄉薦任清湘教諭興學造士嘗立義倉賙宗族豐歉價出如常建義學訓鄉之子弟置義田若干畝季弟臨先以鄉舉授國子學錄遷道州節判與翰林學士揭曼碩相友善有送臨先之義甯州志

卷二十二

人物志宦業

聖

任懷集羅曹序稱其先湘陰君身修有典有則言語議論出古今而師表一世湘陰君謂其父縣尹正叔也

榮應瑞嘗任崇仁邑教官滿吳草廬爲文送之謂應瑞發言馴雅處事雍容與少者相安與老者相得內無町畦外無圭角自始至逮官滿三年如一日藹然揖讓於洙泗間殆非常人云使之有言責必不依阿而詭隨使之有官守必不罷軟而勝任惜乎沉晦於下僚局促於冷職未得展所蘊也

宋季安順帝至元時以薦辟累官至國子祭酒才華敏捷尊賢重士與鄉先生程翼友善講論宋儒之學深明體用時克仁者邑之隱君子也季安知其績學敦行特薦於朝詔至克仁

固辭不起季安亦解組而歸

明

胡仲轄號仁山帶溪人宗武孫洪武二十年由茂才貢舉任廣西桂林陽朔縣知縣有政聲士民頌之比之卓魯祀名宦祠

陽朔志

尋陞南京工部虞衡清吏司主事管造成匠終於任

胡氏

舊譜

胡仕謙字端笏號益齋縣治泰市人少岐嶷不凡爲諸生時通子史百家之書名重一時永樂二年由歲薦官福建連城令連民多梗化謙推誠撫字教以敦土習勤耕桑息爭訟任縣事十餘年民皆安堵以老乞歸民攀轅留之不得立生祠以

義甯州志

卷二十二

人物志宦業

三

祀華林
舊譜

王瑛字凝輝高市人永樂六年鄉貢授東平州儒學訓導忠愛慈祥喜怒不形教人以存心養性爲本土類感化人多慕之遂家東平而卒

車鑑字名善崇鄉人明永樂十三年以孝廉聞於朝授廣東廉州府同知莅任六年頌聲載道致仕歸囊橐蕭然士庶建生祠祀之且立去思碑以紀其政家居布衣野服客至傳酒烹茶佐以蔬果而已著有官箴錄藏家大都以青白明志不欲子孫爲汙吏後歿葬馬坳中街市側清樹下

潘衡字金峰號拙叟西鄉人宣德間以歲貢筮仕辰州有善政

後調成都縣力行所學政教大行縣故有堰山水陡迅隄不時毀爲各縣災衡罄囊爲民築石隄數十丈範之以鐵名鐵爪堰時其啟閉旱潦有備至今賴之卒於任邑人爲建祠歲

時奉祀

甯州拾遺

冷守中字天祐仁鄉梅溪人永樂中舉人材正統九年任興化主簿爲民興利除害有惠政時興化久旱游饑守中盡心撫字傾誠祈禱大雨如注民賴以甦後人思其德立祠以祀子公相豪邁風雅號梅軒居士嘗與尙書高穀世倡和著有梅軒集

余漑高鄉人成化甲午鄉薦浙江孝豐知縣廉靜寡欲政先牧義甯州志

卷二十二

人物志官業

出

愛至於義所不可吃有風裁有丞暴虐卽白當道斥去之守干以私峻拒之尋相訐俱罷漑歸百姓運留囊無餘貲食貧二十年足不履公府卒年七十有五

周叔慈字尙仁父仲宣能詩叔慈治詩經有聲屢舉不第入爲太學生宏治乙卯授湖廣綏甯令邑爲沅湘南徼溪洞夷獠出沒之地而黠民亦有陰搆爲孽者百姓苦之叔慈旣至乃區別其種類度可以化誨者推誠撫諭遠近歸心焉仍蒐繕民兵嚴固要害爲脩禦計由是數年間無盜賊夷獠之患未幾卒於官喪車所臨百姓遮道泣奠而去

周季邦字公達季麟族弟幼有質行旣長補邑庠生治春秋宏

治己胥領鄉薦丙辰登進士授建安知縣居官清介不怵於權勢修葺學宮公暇進諸生聽講躬爲品騭文藝以示勸懲邑舊有考亭先生祠買田四十餘畝籍於官爲歲時祠祀費置預備倉發公羨銀糶谷充之歲歉有備先是守以私屬季邦不從啣之會上計誣執其短藩臬長力爲辯雪俱調任季邦得松楊乃還建安移家父老攀號不忍別其爲松楊如治建安吏不敢欺百姓愛若父母年四十一卒於官閱三月側室生遺腹子偁周佐者字彥相季邦姪也慎取予行必踐其言里人某子嚙妻以償質錢佐亟還其券嘉靖初歲饑捐粟賑貸授冠帶舉鄉飲大賓

義甯州志

卷二十二

人物志宦業

聖

查仲儒字文若號沙溪仲道之兄由歲貢官眉州通判甫蒞任謁三蘇祠見其頽敗卽指俸修葺判眉五載慈惠爲政子應元穎異博覽屢試冠諸生由選貢入太學授黃州通判修白蘇二祠及雪堂西齋東坡諸勝蹟一時稱風雅總持以不欲束帶見貴人遂拂衣歸應元弟懋元性淳而學邃由歲貢授嚴州司訓雅有師範聞父病卽告歸養

余功正高帝後山人有學行正德間以歲薦卒業南雍授湖廣荆門州同知操守嚴剖決敏薦陞四川叙州府通判分署嘉明迺新翔於萬山中去叙三百里當播州永甯之衝桴鼓數起功正勸諭會長堅明約束聯什伍以息戎心時催科以清

逋賦復葺涪翁亭政先其大者以疾告歸吟咏皓首不輟一
赴賓筵卒年七十有八

陳大模高市人正德間由太學授寶應丞廉公有威誠心愛民
民亦愛敬之俸餘以賙窮獨屬歲荒爲粥給餓殍全活甚眾
癸未賊起暮夜遇之途間問之其爲大模輒曰好官不可犯
眾散去其誠能動物如此九載秩滿陞直隸滁州判官未任
以暴疾卒

祝文字懋徵號豫川別號修水遺民穎異秀發博覽羣書中嘉
靖甲午鄉試閱十載授山東臨朐縣教諭邑中乏科第文至
訓士有方科名遂起聘典福建文衡再典浙江未及赴當道

義甯州志

卷二十二

人物志宦業

吳

薦其剛方正直宜擢諫職卽陞南直隸豐縣知縣政尙簡易
吏畏民懷甫一年忽云予幼夢神謂我五十以學易註五十
作卒予數果殆乎亟治裝歸須臾而卒著有謾浪集

鄒邦欽字守敬泰鄉三都人嘉靖中歲貢任廣西柳州府推官
在職以勤敏稱

黃文聖一字文勝名由魯以字行號東台犀津人山谷十九世
孫萬厯甲午選貢授廣西蒼梧知縣以清廉著陞河南歸德
府同知時闕豎縱橫民不堪命嘆曰吾職在牧民甯能忍民
之困至是也卽白監司藩臬沮抑之爲闕所劾遂未超擢然
清節直聲抑而彌著以疾乞休不得請卒於官民立祠祀之

南昌府志

陳思忠高市黃土嶺人少勤儉自力萬厯間由藩司掾授廣西蒼梧丞有幹局聲陞邳州判官河工告成卽乞歸終養有司移牒優禮馬愔鄰睦族出己產以供祭祀於弟兄無所問也屬有築城之役暴骸無主者日予棺瘞之捐金修延安寺及跨鰲橋計費不貲嘗一當鄉飲大賓年七十八卒子以朝登隆慶辛未進士厯任工部員外郎賜恩封父奉直大夫蒲州知州人謂義方之報云

徐學軻字鄰卿號淑泉高市人少事舉業未遂萬厯間以貢監授涿鹿衛經歷衝要事劇游及有餘初委署天津衛廠轉委義甯州志

署東安縣事撫字催科有方正聲兩臺交薦實授以親老力請致仕居鄉恂恂謹禮節教子姪家規截然士夫無不敬禮三舉鄉賓而卒咸稱其爲長厚君子云

義甯州志

卷二十二

人物志宦業

四七

徐一文字章甫號繹象高市勘上人少穎異有大志年十六以第一人補弟子員次年食餼博學有聲與邑人陳以朝同學於南昌劉洪謨劉同吾先生時大宗伯鄧文潔冢宰徐念吾咸敬重之屢科不偶應萬厯辛巳選貢除廣西梧州府岑溪縣尹蒞任三載興學校築城堡躬先教民其地近猺俱土官有八十三山偶因鄉民搶牛故猺頓舉兵犯順事上聞起兵勦之都督童元鎮莫能禦一文親率郡兵與長子師聖奮力

破賊獲渠魁潘卽善不殺示恩招撫兵始解兩廣都察院陳公大科巡按御史涂公濬交章薦之有獨處孤危備嘗艱苦發政則童叟沾仁招撫而遠近胥服之語上欲超擢工部主政命未下以言忤當事遂解綬歸家親課子弟厥後蔚起人以爲忠厚之報云

余學申號思古高市人幼聰穎不羣質直博學其父家貧欲以屋召賃命作破題申年甫九歲卽矢口云曠安宅而弗居求善價而沽諸食餼庠序歲科屢獲前茅知州方公沆甚尊禮之領萬曆癸卯鄉薦授觀城知縣政尙清簡卓有賢聲秩滿歸家兩袖清風泊如也人謂有古君子風

義甯州志

卷二十二

人物志官業

吳

周元相號存赤高市人穎異不羣居家孝友不以世貴驕人惟潛心理學閉戶讀書尋以歲貢授贛州信豐縣學博秩滿居里一經似續厥孫必強官至工部屯田主事曾孫京元孫孔德孔思俱蜚聲黌宮殆亦世濟其美者歟

王宗卿號明衢伯球之孫由歲貢授南昌府學司訓行履端方不事浮華課程謹肅品藻精當巡撫御史余公應桂重其行薦陞南漳縣學正署本縣事尋以病卒士民悲之

陳以蘊字仲宣號太函文麓次子生而岐嶷讀書一目可下五行爲文深峭胸次浩瀚有古仲宣風郡守盧公州牧方公督學駱公蔡公俱以木天著作相稱詔以詩經中萬曆己酉亞

魁三上公車不第授衡陽知縣爲治勤慎摘伏如神肅保甲
鋤豪右減屯馬請水兌釐正士習弊除利興縣多猾胥結黨
造私蒞茲土者無不掣肘蘊密發其隱白諸上臺無漏網者
自是豪奸斂手會桂府桐國於衡百務紛拏蘊爲之甦其重
困力役之下未聞勞民會大計吏御史上其績於朝銓部授
一試浙江道監察御史尋以病乞養歸卜隣郡邸十餘年日勤
一定省取生平所著四書代言及詩說諸集付剞劂年七十有
一而卒

陳以志字伯達黃土嶺人以蘊兄由選貢任河南歸德府通判
政治卓越超陞安慶知府抵任謁希夷廟先父廟祝夢神自

義甯州志

卷二十一

人物志宦業

四

外還次日至見塑像與志狀無二廟祝駭異後歸舟卽無疾
而卒羣以爲希夷後身云第以貞字去諒績學名儒考取拔
貢無意仕進讀書自娛州守李友梅欽之聘編山谷外別二
集及年譜等書行世卒年六十

何定遠號景懷泰鄉五都人少負大志精於韜略崇正丙子歲
草澤竊發詰戎兵憲謝公命率師勦禦遂平沈鄭魏之亂初
謝公之任舟次吉州暴客夜劫謝公溺水定遠殺賊以保全
之因薦於撫憲解公授以中軍官委鎮古城顏其廬曰北門
鎖鑰及靖安千州草寇交訐隣封震驚定遠同九府官兵決
機進戰殲其渠魁厥功懋著兵憲金公詳申部院劉公題加

遊擊不就歸聘名士以教子弟厥子若浩若汪若治若日恭皆爲甯庠翹楚

劉公元字大生州治鉄爐巷人中崇正己卯鄉試

國朝選授鞏昌府成縣知縣賦性慈祥雅尙恬靜時際軍興旁午不耐煩劇遂致政歸卒老於家

國朝

程九萬字起鵬號椿山崇鄉大椿人順治十三年選貢十七年任山東費縣知縣內寬外嚴整飭風紀屢辨寃獄費有淫祠每年需人以祭九萬齋戒宿祠知妖蛇爲祟遂殺蛇毀其像妖竟絕費人驚服歷二載邑大治後因公註誤按院嘉其廉明特薦陞濟南知府未任而卒費人祠之第衡字子權順治己亥歲貢授南城教諭不就

鍾期逢字景唐武鄉義田人襟期倜儻行誼卓犖由貢監授安州知州地屬水鄉滿漢雜處恩威並用吏畏民懷後以剛直去任莫竟其才

陳鏐字冠干州治高市人乾隆戊辰進士任海澄知縣海有沙洲曰圭嶼潮水落貧民墾爲田豪猾侵踞詭爲券以訟鏐讞得其情懲豪家而還之民調繁順昌俗多溺女親死則浮厝郊外鏐嚴禁之更捐俸立育嬰助葬之法以飲其貧不能舉者大饑出粟分賑親賢好士建書院設學田修

義甯州志

卷二十一

人物志官業

五

學宮葺志乘諸廢具舉秩滿以同知用卒於官

南昌府志

徐耀祖字湘沚州城鸚鵡橋人乾隆壬申進士任屏南知縣

勵廉隅勤政事創書院勸富民捐田益膏火調光澤縣案

牘塵積剖決如流丁憂服闋補花縣因病乞休未幾卒

周孔易字聖贊別字西崖太史孔從弟兄弟互相師友肆力

詩文章試拔第一乾隆甲子舉於鄉庚午考授景山教習

督課期滿引

見以知縣用丁丑冬選授廣東平遠知縣爲政以剔弊安良爲

本縣西有鳳山書院舊無膏火資獨捐清俸給之生童皆

贅文就課師事惟謹縣有盜夜入富民家覺而追撻之盜

義甯州志

卷二十二

人物志官業

三

竄隣縣旋罹重案誣富民爲其黨而富民先已客閩隣邑

捕之急孔易偵之遣役假富民與盜質盜誤認役爲富民

遂立白其誣由是盜風頓息士民頌之曰辨牛識勝張元

濟擒虎才高董洛陽平遠介閩粵之衝孔易善政旁流值

生日遠近製錦稱壽者數千人未及二載疾卒於官民哀

罷市著有燕臺詩草琴堂韻事子子亨原名學醇字容之

號醴原舉乾隆丙午鄉試嘉慶戊辰挑發廣東試用知縣

歷署陽江海康英德等縣雅有循聲以吏議改授樂安縣

訓導

陳希徽字虞揚號育堂高城源人中乾隆庚辰

恩科舉人辛卯大挑一等分發直隸補授易州涑水知縣縣居衝繁之地每以歲秋爲

鑾輿巡行所必經希黻往來送迎籌辦供張自常吏給辦公三百兩以外獨益以廉俸絕不累於民民亦樂爲効力有召父杜母之心希黻又以縣中士習簡略時教以通經學古爲務秩滿卒於任士民咸哀慕之

陳希賢字惠康別字曙軒密第二子乾隆四十年循川運例由大學授臬司經歷銓次京師念甯之公車北上者久無館舍捐三百金以父密名爲首倡於是同志踴躍相助建甯州試館於京師之高井衚衕館成而捷南宮者纍纍

義甯州志

卷二十二

人物志宦業

五

馬庚子補官陝西中丞秦承恩重希賢幹練廉明屢檄以慮囚疑獄屬員累訊不決者希賢讞之多所平反乾隆五十年署郤陽縣隣境有盜劫殺人囚逸希賢使捕得而械送之守獄者皆得免議五十一年署鳳翔縣縣爲入川孔道公事至車馬夫役舊例皆派於民希賢悉除之民大歡轉署鹿原縣地瘠歲饑捐俸以濟荒凡所蒞皆有政聲五十二年以上最入

覲補授三原知縣下車卽求民疾苦首崇學校縣有學古書院延名師益膏火以獎勵諸生士風大振一切商賈陋規悉力罷之貢生王垣者負獄廟公銀六千兩大府追之急勒

變產以償垣攜其廢疾子來泣訴曰此子手足已殘若家產盡死溝壑矣哀其危困捐俸二千金代充其數王氏一家感再生焉五十四年薦陞孝義川同知次年蒞任川近終南易以藏奸兼回漢雜處動相械鬪乃廉其梟雄者置之法境內肅然希賢以積勞成疾力請告歸行至河南浙川卒於旅次年四十二秦民間而哀之立祠以祀

余芬字循初別字桂岳泰鄉四都人乾隆庚辰舉於鄉辛丑挑發陝西以知縣試用旋補授山陽縣縣素稱巖邑芬至以信義導民文學訓士捐廉俸建修豐陽書院延名宿教育邑中人士暇則親爲講課士習民風悉化弦歌之雅人

義甯州志

卷二十二

人物志宦業

十一

之進邑紳士與語曰傳有云勇夫重閉况國乎今山陽城堞坍塌不亟築之何以備豫不虞皆應曰諾於是士卒鳧藻踴躍捐金鳩工伐石百堵皆興不數月而山陽之城翼然永固未幾以事去官士民無老幼泣送者絡繹不絕於途家歸授徒講學十餘載蕭然儒素無幾微見色卒年七十六

榮錫楷字樹東號魯嶠奉鄉人幼穎敏大父廷彥愛之年十三入郡庠肄業豫章中乾隆辛卯副榜己亥鄉舉辛丑成進士壬子授貴州知縣署安平安衝邑也楷撫恤周至民不疲役旋署開泰縣甲寅鄉闈充同考官回任適楚苗

蠢動銅仁苗相應滋擾撫軍檄委兼程趨赴管銅仁府糧
務乙卯二月奉公相福敬齋委往麥地汎辦理糧站跟役
二三人過豹子場正大營一路皆賊巢至麥地汎萬山岑
寂中立糧臺環以木柵屯軍二百名日久戒嚴楷衣不解
帶者月餘一日苗百戶告曰楚苗覬覦糧臺今必來未幾
前山賊眾擁至楷曰大營嗷嗷需轉運甚急敢誤軍食乎
眾感激奮擊之賊稍退越五日有吳半生者騎白馬領苗
匪數千復自前山直逼糧臺眾錯愕環楷泣楷曰無怖尙
可守萬一臺破糧劫我惟一死以報國也口呼指畫麾
屯兵拒賊張佛耶機轟擊傷苗匪數十人苗眾奔糧臺卒

義甯州志

卷二十二

人物志宦業

雷

僕無虞初夫役聞警多逃逸而站上又不得一日停運楷
焦思籌畫轉運如期後接辦正大營站務地衝事劇調理
悉井井撫軍奏補開泰嘉慶丙辰春撤站額二墩以新舊
三載從戎有功擬以同知陞用楷回開泰任惟以文教化
俗以仁心恤下土著苗民皆安之嗣以軍營積勞成疾懇
告歸里著有魯嶠文稿詩集行世

黃迪字廷英武鄉人由銅鼓營外委陞奉新把總駐防十二
年盜弭民安乾隆戊戌大旱縣令往省迪設壇禱雨不應
民憂甚聞越山有神泉禱素驗議偕往多憚其遠迪奮然
曰昔高公南壽宰奉新因旱禱城隍有願減十年壽乞爲

三日霖之句高公爲民不畏死某武人也敢畏遠乎即日
阜衣草屨徒步七十里至山隘攀藤而上匍伏虔叩須臾
雲油雨沛田疇漲溢民皆歡呼以迎謠曰把總雨穀士女
雨我田禾盡起鄒侍御王濬贈句云果然帶得雨歸來脚
踏烏雲手放雷諸紳和者數十人謝事歸侍御甘立猷爲
撰去思碑

丁邦訓字尹又號西菴西鄉路口人歲貢生品行學問推重
一時任高安縣教諭兼掌鳳儀書院曲意陶成多所造就
子庠生廷用廷猷太學生學山尤善體父志好行義舉

鄭季敏字虔若號遜亭仁鄉西源人博極羣書爲文浩瀚千

義甯州志

卷二十二

人物志官業

三

言力追先正風矩弱冠補弟子員旋食餼膺貢選性剛正
時里有棚民數十家皆溺左道季敏鳴官盡屏逐之且勒
示永禁鄉閭賴以安堵任上猶司訓著學規十條懇勲造
士禮法彬彬卒於署子廩生斌扶櫬歸縣中士泣奠郊送
王瀾字靜夫號穢堂奉鄉大里人乾隆丙申循川運例捐授
縣丞簽發直隸歷署密雲阜城赤城遷安廣昌諸縣補宣
化知縣任密雲時值

車駕巡行秋獮以密雲當關外衝要 命撥綠營兵二百名守
城瀾聞之馳稟制府謂恐擾民請奏免制府驚曰命已下
安敢違瀾叩請不已制府素知其能且爲民請遂奏懇免

撥

上可其奏密雲民大悅任赤城時歲大饑富民畏劫搶閉麥粟不敢發瀾親出諭饑民編立保甲遂勸富戶平糶一縣皆安陞知薊州署易州通州俱有惠政瀾官直省三十餘年才識精敏練達時務制府方觀承梁肯堂劉莪皆器重焉卒被吏議鬱鬱以終論者惜之

張瑜字裕秀號潤亭武鄉懷遠都人乾隆壬午舉於鄉辛丑大挑二等壬寅補星子訓導兼監白鹿書院訓課有方諳諳不倦乙卯選授四川昭化知縣禮士愛民訟無冤獄嘉慶戊午充同考試官所得士皆清才四年賊匪蔓延極力

義甯州志

卷二十二

人物志宦業

五

堵禦境內乂安以功加一級五年調署威遠縣一載卒於任

袁珥字揮簡別字念圃武鄉東潁人乾隆庚寅舉於鄉辛丑大挑一等簽發湖南以知縣試用珥聰強練達剛柔兼濟歷署岳州長沙同知有政聲轉署醴陵縣時舊令病故厚贈其妻孥輿櫬以歸復署乾州同知乾地苗俗獷悍有小忿輒聚眾刃鬪珥至開誠化導苗皆蟄伏題補邵陽縣奸民多假命獄以詐財珥治以刑威刁風頓息旋以寬縱獄囚掛吏議揭叅奉

旨送部引

見仍發湖南以知縣用尋補永興縣乙卯春苗民蠢動

王師討之營於辰州調珥赴辰州出賑難民向例大口米一升小口八合理合大小而均之民服其公平遷署辰谿與賊巢近隔一河賊乘臘晦擁眾大至珥身腰弓矢率武舉張明俊等帶領鄉勇數百戰於小田坪斬馘數十級生擒會首劉大等置之法賊由是不敢復渡河是役也奉調辦軍需者十數員各領帑金十萬珥獨節用三萬及報銷核算惟珥用銀最少議叙加一級實授永興縣初縣民有女爲妖所憑奔控於縣珥笑曰汝姑待我能治之遂齋三日牒城隍神妖竟絕縣故有安陵書院珥重修捐廉給諸生膏

義甯州志

卷二十二

人物志宦業

七

火親爲講學課文品題甲乙士風大振縣有獄囚已出其無辜後攝篆者復改入珥堅執前斷厲聲曰南山可移此判不改吾豈忍以民命遷官耶卒出之嘉慶五年謝病歸捐餘俸買穀數百石置倉宗祠以濟族中之貧窶乙亥舉鄉飲正賓讀書談道以自娛卒年七十五著有敬亭詩集東橋文稿子四泐淩漸磐俱庠生季子鳴謙道光丙戌進士孫翰書舉道光庚子鄉試累世科甲不絕

溫溶字自如號瀾圃懷遠都人乾隆戊辰考館供事議叙八品簽發閩省試用縣丞所至以編保甲珥盜賊爲先務署麻沙車田二縣丞勦捕會匪逆黨嘉慶十四年調補斗六

門縣丞清丈全臺屯田益地數萬畝以利窮黎權嘉義知縣以擒獲逆匪功卓異調署臺灣平糶賑粥全活者眾二十三年制府董奏溶年強才明老成勤幹在閩二十餘年熟悉海疆情形請補晉江知縣未任卒於臺灣

張問行字馨祖別字雲轂奉鄉人幼聰穎年十五試冠童軍補弟子員旋食餼援例授訓導初任永甯有二生訐訟一生賄四百金以沽直問行麾而斥之翼日招兩生諭以曲直使之罷訟一縣咸服其公明尋署廣昌有魏生祖母苦節無力請旌問行廉得其實爲之申請並贈以金禮部主司李開元郵寄詩云我在京畿聞令望暮雲春樹懷

義甯州志

卷二十二

人物志宦業

五

珪璋其爲士林悅服如此年方艾以疾卒惜未竟其才

李崑字寶林別字片山奉鄉龍坪人體貌魁奇乾隆丙午武

科解元乙卯會試中第八名進士

殿試二甲四名授

御前侍衛管理鑾儀衛事嘉慶八年補授貴州銅仁府松桃鎮都閩時教匪未靖鎮地多苗俗雜採易生蠢動崑簡練士卒臨戎以威每校場試射親挽強弓發無不中曾虜皆懾服十四年陞授直隸天津鎮標中軍府遊擊兼署都督府時天津有蘇花臉者劇盜也聚黨數千人晝伏海舶入夜分劫擄掠金帛婦女無算官吏畏之不敢發崑偵探之盡

得寇狀遂謁總鎮薛大烈屏左右密告以故大烈名將也
怒曰小醜何敢爾吾與汝今夕直擣巢穴擒之卽下令整
飭士馬命崑爲先鋒漏二鼓馳至賊船賊方聚飲直入舟
中眾軍齊登手刃十四賊羣賊跳伏水中頃之大烈兵至
電發雷震賊股栗出水就擒崑知薛必先馳奏不令制府
覺乃夤夜遣弁疾遞官書稟知制府溫溫翼日拜劄而薛
奏先達一日

欽差已啣

命飛提審辦卒至兩臺互訐崑遂不得以軍功遷秩守天津十
載和靜寬恕軍民悅服二十五年陞河南河汝陝州叅將

義甯州志

卷二十二

人物志宦業

五

益加持重訓習弁兵紀律森嚴暇則行屯田之法道光四
年以痺疾卒於官年六十四性喜賓客好談文史有雅歌
投壺之風

以上甲申志

冷豐年字達衡號香臯仁鄉東臯人由附貢援例分發江蘇縣
丞歷署元和崑山新陽等縣縣丞督爵百廉其能委調河工
雜料廠適歲饑設法賑之旋擬奏稿條開十款百閱之大喜
奏入 上嘉其調度有方未一年告竣 賞給銀牌補授江
陰縣丞調鎮陽縣丞十九年鎮大旱 上憲以縣令不洽輿
情委丞勘災豐年以一馬一僕自隨不擾民間滴水見道旁
饑民各給洋錢一元由是賢聲不著卓異以知縣用廿四年

署崇明知縣彈壓海疆沙民肅然廿五年以母疾歸養著有
宦遊詩草若干卷梓行

萬方雍字季初一字雪舫號時泉太傅文恪公長子也嘉慶
辛酉拔貢

廷試以七品小京官用歷陞陝西道監察御史轉兵科給事
中性剛介不屑爲脂韋狀凡國家利弊時事得失在所當
言者輒諤諤道之旋補授內閣侍讀學士

召見嘉雍謹飭條陳奏牘非空言無補嚮用甚殷踰年簡放
湖南臬司甫接篆廉知猾吏潘某貪汙冤蔽稔惡情狀恭
請

義甯州志

卷二十二

人物志宦業

卒

王命誅之一時紳耆士庶呼爲青天某令欲干以私因餽酒
密置贓金峻拒之終罷去荆俗素慄悍雍旣至廉直有聲
風氣爲之一變奏入奉

硃批有勤儉修身公忠勵事始終若無間斷和圍師傅亦慶
有子之褒尋署湖南布政使司勞瘁卒於官荆人士深悼
之

盧章字象坤號采臣崇鄉櫻桃洞人天姿卓越於書無所不
讀尤精熟史鑑爲文奇肆弱冠時卽爲名宿所稱賞性剛
正獨宿旅次有處子相就拒弗納嘉慶戊寅舉於鄉丙戌
分發廣東知縣其地舊俗多花船弊莫之禁章奉委巡查

所至肅然道光十一年署遂溪甲午充同考官所得多知名士旋知恩平兼理陽江爲政務慈祥不恃威福每笞犯俯首不忍觀在任兩載輿人呼曰青天

上諭俟俸滿引見以知州陞用命下而疾作矣兩邑士民咸哀之

萬方貞字平階號玉潭安鄉長茅人太傅文恪公仲子也任甘肅西甯府經歷署繁縣事大吏以政事勤敏治才有餘保奏

陞見上深嘉獎升授永昌知縣貞惟以正綱紀重教化爲先黷吏黠民持法不少貸禔躬清慎境內肅然旋以勞瘁

義甯州志

卷二十二

人物志宦業

空

卒於官

胡蘭字佩馨號南澧武鄉人少讀書慷慨有大志壯餼於庠名大起鄉闈屢薦不售援例授信豐司訓邑當贛之偏隅科名不甚顯蘭在任十數年課士衡文示以成萬正嘉之法及門相繼連捷並爲合邑倡興考棚督修志乘雅爲士林所重道光十四年奉上憲委辦清丈屯田上游嘉其才學兼優堪膺民社保題陞授山西朔平府經歷兼常豐倉大使均有政聲尋病歸

龔晃字暉照號晴峯安鄉黃沙橋人弱齡博經史工書法由廩貢歷任永豐清江泰和樂安新淦縣訓導所至以興文

自任性廉而仁束修費幣到門輒卻諸生貧乏者周之淦士欽慕倍篤奉以生祠卻篆時士紳賦詩送別唱和累數百首瀕行攜酒郊餞至有扳轅涕泣者

冷梅開字少峯仁鄉東臯人監生援例分發湖南巡檢歷署祁陽江華典史尋補授通道縣播陽司巡檢地多獍民梅開調停有方紳耆頌以法良意美盜弭民安牌額調邵陽縣隆回司巡檢歲饑八洞獍民搔動梅開捐廉買米設粥廠賑之素知醫施藥活人無算

榮錫鵬字垂雲號北滄奉鄉烏石坪人舉人大挑一等以知縣分發浙江所至有聲癸酉署石門富矜鍾某犯不避被

義甯州志

卷二十二

人物志官業

三

首以洋銀五千請贖鵬察其情非終訓飭而釋之銀付縣紳修彭老橋及城隍廟乙亥署德清歲大饑捐廉倡賑設粥廠調濟全活無算丙子署鄞縣涖任兩月決積案百餘有地棍誣富家不法事富家懇託紳賄金鵬怒不納立爲讞白比行縣人額頌民之父母紳耆送別詩有老夫耄矣閱人多如此廉能未見過纔飲清泉三兩勺已釐積案百千科之句丁丑補湯溪尋丁母憂回里服闋復署德清旋補景甯地僻陋鵬時召生童講學論文士風一振城中多訟棍廉得數人申飭之風遂寢甲申調醴安俗悍多獄訟鵬案無留牘邑稱大治旋調德清三任其地弊絕風清戊

子引疾請假上司不允本年充同考試官得士九人皆名宿是歲水泛溢鵬請緩徵城內清溪書院久圯捐廉修復邑人士設主院廡祀之己丑調歸安縣有賊殺事王者聚眾負抗鵬抵任賊曰榮青天來矣我輩自作自受曷忍累之遂相與俯首就禽邑爲湖郡首領政務繁雜鵬措之裕如經年無上控案太守成梧生嘗稱其老吏斷獄可爲模楷是年大計以卓異送部引

見奉

旨准以卓異加一級回任候陞以疾歸里越二年卒子四長懷玉太學生次懷瀚州庠生召用孝廉方正出繼錫鷓爲

義甯州志

卷二十二

人物志官業

三

嗣三懷珍任湖南麻陽縣知縣四懷德湖南候補藩庫大使

龔鴻字暢雲號蘆塢安鄉長茅人舉人少讀書過目輒成誦逮長工吟咏善書畫光明磊落平易近人任都昌教諭九年士子來謁者輒與談上下古今興衰治亂大儒名臣事業無虛日著有學規十條刊布鄉塾縣中士習爲之一變去任時紳耆郊饒多牽裾洒淚不忍別

查炳辰字善長號北樞武鄉來蘇人凌浩長子增貢生援例授廣西慶遠府經歷辛亥署宜山縣事逆匪李太糾黨數千嘯聚武緣縣逼宜山炳辰督師禦之禽斬無算壬子賊

撲郡城太守鄭委炳辰督辦團防時城中兵力單薄炳辰
勸諭居民晝夜堅守二十七日親率隊伍縋城出勦獲勝
賊遁旋隨協鎮追勦有功調署本郡理苗同知及思恩天
河等縣時寇擾之餘炳辰撫字周摯所至有聲乙卯署那
地州知州州無城逆踪往來不測炳辰籌防籌勦心力交
瘁丁巳逆匪大股攻陷慶郡炳辰於那地地方訓練黎苗
力圖恢復歷時寢久積勞成疾遂歿營次子三長連珠候
選從九隨侍任所幫辦防勦聿著勲勞亦歿於軍

胡秉銓字化醅號雲林州治人工舉業尤善書法由廩貢援
例授教職性情樂易和平而胸有幹濟署安福學篆有緒

義甯州志

卷二十二

人物志宦業

六

紳兄弟爭繼訟三十餘年不能決銓至諭以啟倫理篤恩
誼遂爲兄弟如初署瀘溪學篆會旱災同官議掾荒策銓
力主先賑後報尹從之饑民全活無算他如司鐸金谿鄱
陽兩縣均能興學校獎人倫士林賴之解組家居於州中
城池考棚諸要公無不力肩厥任爲士民先卒年七十有
三

陳玉章字南英號筠友高鄉良塘人廩貢生屢薦不售援例
授訓導並加光祿寺署正銜生平品正學純爲士林矜式
歷署樂安新昌等縣儒學以振興文教爲己任所至有聲
署廬陵學捐廉添置祭器樂器並集諸紳重修 文廟署

崇仁時見近城隄岸就北督紳修理民嘉賴焉以軍功保授南安府學訓導因年老不就卒年七十有五

余慶齡字景明號芝生幼習舉業試童子軍不售援例捐巡檢分發廣東咸豐三年署封川縣文德司巡檢時四鄰皆賊慶齡保衛生聚勸農息訟民氣以和一日家丁甘福爲賊擄賊曰渠上係不愛錢好官釋之四年奉札防堵東莞開建封川二城陷慶齡隨大軍克復因委代理封川縣事慶齡益慷慨奮發有警輒督勇捕勦首酋要逆擒獲多名督憲葉器之給予六品頂戴保升府經縣丞賞戴藍翎授普甯縣雲落巡檢同治三年辦公潮州積勞戒瘵卒

徐文甲